

Meeqqat 18-nit inorlugit ukiullit kinguaassiuutitigut atorerlunneqarsimasut, taakkunungalu angajoqqaajusut/akisussaasut, tarnip nakorsaanic piaartumik ikiorserneqarnissamik periarfissaqalernissaannik pisinnaatitaaffeqalernissaat pillugu nassuiaasioqqullugit Naalackersuisut peqquneqarnissaannik Inatsisartunut aalajangiiffigisassatut siunnersuut. Misissuineq periuserineqarsinnaasunik saqqummiussisussaq piviusunngornissaanullu pisariaqartinneqartunik takussutissiisussaq, tamatumani aningaasatigut allaffissornikkullu kingunissai ilanngullugit, kingusinnerpaamik UKA2023-qarnerani Inatsisartunut tunniunneqassaaq.
(Inatsisartunut Ilaasortaqa Anna Wangenheim, Demokraatit)

Akissuteqaat

(Meeqqanut, Inuusuttunut Ilaqutariinnullu Naalackersuisoq)

Siullermeerneqarnera

Naalackersuisut siunnersuummut nassiunneqartumut qujapput.

Ukiuni kingullerni meeqqanut inuusuttunullu kinguaassiuutitigut atorerluisarnerup akiorniarneqarnera suliassa qarfiusimavoq annertuumik salliunneqartoq. Suliassa qarfiup taassuma suli immikkut sammeneqarnissaa pisariaqartoq Naalackersuisut isumaqarput. Kingunerlutsitsinerit iliuuseqarfigineqarsimannikkaangata meeqqanut inuusuttunullu inersimasunngornermi annertuumik kinguneqarsinnaasarmata, kinguaassiuutitigut atorerlunneqarnermik eqqugaasimasunut eqqortumik ikiorneqarnissamik katsorsarneqarnissamillu neqeroorfigineqarnissaat pingaaruteqartuuvoq.

”Naalackersuisut kinguaassiuutitigut atorerluisarneq akiorniarlugu periusissiaat - Killiliisa 2018-2022” nalilersorneqassaaq 2022-llu kingorna kinguaassiuutitigut atorerluisarneq akiorniarlugu suliniutit qanoq ingerlateqqinneqassanersut pillugu isummertoqassalluni. Eqqugaasunut meeqqallu kannguttaatsuliorfigineqarsimasut angajoqqaavinut/akisussaasunut ikiorneqarneq eqqortoq qanoq pisinnaaneraat annertunerusumik ukkatarissallugu matumani immikkut isumatusaarnerussaaq.

Tamatuma saniatigut Danskit 2022-mut Aningaasaqarnermut Inatsisaanut atatillugu meeqqanut atorerlunneqarsimasunut meeqqanik qitiutitsilluni suliassa qarfinnit assigiinngitsunik sulialinnit qulaajaasoqarneranik misiligummik suliniuteqarnissamut atugassanik katillugu 16,9 mio. koruuninik piffissamut 2022-2024-mut immikkoortitsisoqarsimasooq oqaatigissallugu pingaaruteqarpoq. Suliniut meeqqat illuini inissisimasuussaaq, taanna najukkani kommunit ilaqutariit sullissiviinut atassuteqarluni pilersinneqassaaq. Suliniut najukkani kommunini ilaqutariinnut sullissiviit ataani inissisimasussaaq, meeqqanik qitiutitsilluni meeqqanut illunik pilersitsinikkut piviusunngortinneqassaaq. Tasiilaq, Maniitsoq Ilulissallu misiligummik suliniummi ilaasussatut toqqagaasimapput, tamanna Isumaginninnermut Aqutsisoqarfik aamma Qeqqata Kommunia, Avannaata Kommunia Kommuneqarfik Sermersoorlu suleqatigalugit Meeqqanut, Inuusuttunut Ilaqutariinnullu Naalackersuisoqarfimmit isumagineqassaaq.

Meeqqat inuusuttullu nakuuserfigineqarsimasut kinguaassiuutitigullu atorerlunneqarsimasut sukkasuunik eqqortumillu ikiorneqarnissaannik qulakkeerinninnissaaq meeqqat illuunik pilersitsinermi siunertarineqarpoq. Eqqartuussinermi sulianut atatillugu video atorlugu killisiuisarnermut atugassarititat eqqortut atulersinnaanissaannut tunngatillugu aamma

eqqugaasut qulaajarnerisigut tarnip pissusaanik ilisimasalimmit ikiorneqarnissamik allamillu katsorsarneqarnissamik pisariaqartitamik sukkanerpaamik neqeroorfigineqarsinnaanissaannut tunngatillugu tamanna aamma atuuppoq. Una misiligummik suliniut siunissami tarnip pissusaanik ilisimasalimmit katsorsarneqarnissamut tunngatillugu ajornaannerulersitseqataassaaq.

2022-mi Inatsisit Atuutsinneqarnerannut suliassaqarfimmut Naalakkersuisut anguniagassatut takorluugaanni pingaarnersiunerannilu Meeqqat kinguaassiutitigut atonerlunneqarsinnaanerannut kannguttaatsuliorfigineqarsinnaanerannullu illersuinissaq pillugu Europarådip isumaqatigiissutaanut Kalaallit Nunaat ilaalissasoq kaammattuutigineqarpoq. Tamanna meeqqanut inuusuttunullu atonerluisarnerup pitsaaliornissaanut alloriaqqinnerussaaq eqqortumillu ikiorneqarnissaannut qulakkeerinnissalluni.

Naggasiutigalugu Naalakkersuisut § 37 apeqqutip 2022-033-p akissutaanut innersuussipput, tassani Naalakkersuisut suliassaqarfimmi suliniutit allat pillugit nassuiaateqarput. *Kalaallit Nunaanni meeqqanut inuusuttunullu pitsaanagerusumik suliniuteqarnissaq pillugu kalaallit qallunaallu oqartussaasoqarfiisa assigiinngitsunik suliallit akornanni suleqatigiinneranni* Meeqqanik sullissisut angalasartut meeqqanik inuusuttunillu kinguaassiutitigut atonerlunneqarsimasunik qulaajaanernut ikiuiniarlutik katsorsaaniarlutillu angalasarpur. Aammattaaq suliniutinik Kalaallit Nunaannut tarnip pissusaanik ilisimasalinnik amerlanerusunik sulilersitsisinnaanissamut sulisoriinnarnissaannullu iluaqutaasinnaasunik suliaqartoqarpoq. Tarnip pissusaanik ilisimasallit amigaataanerat inuiaqatigiinni unammilligassaasoq pillugu siunnersuuteqartoq Naalakkersuisut isumaqatigaat.

Kinguaassiutitigut atonerlugaanermik eqqugaasimasut tarnip pissusaanik ilisimasalimmit ikiorneqarnissamik neqeroorfigineqartassasut danskit kiffartuussinermut inatsisaanni inatsisitigut piumasagaataasoq eqqumaffigeqquneqarpoq. Tamassumalu Kalaallit Nunaanni inatsisinut ilanngunneqarnissaanut sulissuteqartoqarsinnaavoq.

Meeqqat 18-nit inorlugit ukiullit kinguaassiutitigut atonerlunneqarsimasut, taakkunungalu angajoqqaajusut/akisussaasut, tarnip pissusaanik ilisimasalimmit piaartumik ikiorserneqarnissamik periarfissaqalernissaat pillugu nassuiaasiortoqarnissaanik Naalakkersuisut taamatut oqaaseqarlutik tapersiippur.